

考正 附录通城谱

吾族自宋宁宗时来通衍世颇蕃分居蒹荷北港左港梅港禾楼黄桂尖山各处原有谱牒遭元末红巾兵燹犹有存者故前明嘉靖时族贤端本公修谱得以考据联合继经猷贼之乱遗文故节几乎尽矣间存一二缺略未全人文渐蕃则传闻亦异孔子云杞宋之文献不足徵岂不谅哉雍正乾隆初先辈续修宗谱以各支派字定世数合为一派其断制洵有功焉但故老所留传虽稗野之属未足深据而生百馀年后欲尽没其纪注

則非春秋夏五郭公之志也考正而存之非首事之責
而誰責欤閱國初所傳儀記公下有良佐德佐之名而
良佐又生有仲質仲宣仲璉仲稀四人及查菴荷老譜
載仲稀即儀記之字良佐又其別号也則此二代六名
非好事者为之欵若受三公下梅港之有万四葬破石
图雨調塘塍上妣章葬合夫塋左港之有万六葬彭家
仑妣游葬銀子塘俗又有前万后万之語无可疑者先
輩以派字定世數不登二公數十年後族失其傳不可
復載傷矣今酌而存之於五世下出脚於六世上標頭

但不复大书特书以纪其生卒葬娶遵族义也存名实也田寮之友昇葬光头仑马氏葬白虎觜石枧之友金葬屋后袁氏葬栎树觜亦其类也至天寿之后有禄云云字仁四旧谱注为季派之曾孙而觜上杨家山来稿皆载仁四即季十二之子其子孙之所传授应较通族之谱为更真矣而细六之天麒迁临湘谱载崇一崇二崇六崇九崇十一今潭湾大云山谱系以普一即崇九普八即崇十一亦信其后人之纪载为实凡若此者支愈分则愈多年愈远则愈湮幸遗文之未尽得以考其

异而归於同春秋三传之同异汉宣帝称制纲目发明之错讹明宪宗断定国史也非天子不敢专也谱则家乘耳先辈专而决之后人踵而成之复不敢尽没旧文存其事迹庶几可以对祖宗而告万世矣续谱后贤其亦谅 辈敬慎之心也夫